



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De firma custodia librorum. V.

[urn:nbn:de:hbz:466:1-45790](#)

ostinis boni operis, qui reddit vnicuique propriam mercedem, secundum piam intentionem, in cælis. Cum mortuus fueris, non desperabis, orabunt enim pro te, qui legerint volumina tua, olim à te satis bene scripta. Dicit Dominus in Euanglio: Qui potum dederit calicem aquæ frigide sitienti, non perdet mercedem suam. Multo magis, qui dat aquam viuam sapientiæ salutaris legenti, in libro digito Dei scripto, non perdet mercedem suam in cælo.

## C A P V T . V.

*De firma custodia librorum.*

1. **P**onite librum istum in latere arca fœderis, in testimonium coram Deut. 31: Domino, ut sit in bona custodia, & magna reverentia, coram sacerdotibus & omni populo. Hæc verba & multa alia præcepta locutus est Moyses famulus Domini ante mortem suam, mandans Lenitis custodire librum legis in arca aurea diligenter obserata. Igitur cum magna cautela & firma clausura, seruanda est libraria sacrorum eloquiorum ab omni putredine pulueris; ab incendio ignis & stillicidio humoris; à raptu furis & strepitu clamoris; à luto pèdum & morsu vermium; ab omni macula & ruptura foliorum. Non enim dignus est in sacro libro legere, qui nescit bene custodire, & in apto loco negligit reponere.

Bibliotheca sedulò seruanda:

2. Sic accipe librum in manibus tuis ad legendū, sicut Symeon Luce 2. iustus puerum Iesum in vlnas suas, ad portandū & osculandum. Et postquam legisti, claude librum, & gratias age de omni verbo ex ore Dei, quia inuenisti in agro Dominicō thesaurum occultum. Ab omni igitur sorde seruandus est thesaurus Ecclesiæ à sanctis doctoribus elaboratus & editus; à bonis scriptoribus scriptus & collectus, pro multorum consolatione à Deo prouisus.

## C A P V T . VI.

*De ornato claustrī bene fundati.*

1. **G**loriosa dicta sunt de te ciuitas Dei. Placet nāque Deo & sā- Psal. 86.  
Etis eius claustrū bene fundatum, à tumultu seculi segregatum, multis deuotis fratribus & sacris libris ornatum. Hoc etiam piè creditur placere omnibus Deum amantibus, & diuina libenter audientibus, quia claustrum summi regis est castrum, & cælestis Imperatoris palatium, paratum religiosis personis ad habitandum, & Deo fideliter seruicium. Verè locus iste sanctus est, Deo & Angelis eius acceptabilis, demonibus terribilis, deuotis amabilis; ad obsecrandū Deum multum optabilis, delectabilis, suis, & honorabilis. Non est hic aliud, (sicut legimus & canimus) dignitas.

Claustrī religiosi  
nisi